

В. Грабежова

В. Грабежова




Пырыга йӧлӧй

Сыктывкар 2002

Сыктывкар 2002

В. Грабежова



Пырыга йөлөй

Сыктывкар 2002

В.М.Грабежова

Пырыга йөлөй

Ичөтдырся кад – медся шуда кад. Олан ичөт мортлөн олөмөн, и оз волы юрад, мый аслад ичөтик гажъясөн да шогторъясөн велөдчан овны, вочасөн төдмавлан олөмыслысь гусө да бансө. Тшөкыда өд и овло: өтарсяныыс кө шыльыд, мөдарыс чорпа.

Унатор кутан пыдди пуктыны верстяммөм бөрад. А тэнө быдтысь йөзыс асланыс олөмнас, этшнас, сёрнинас кольёны вежөрад медся шань, медся муса да югыд казътыланторъясөн.

**Тайо ичотик нигасо дасьтөма
ыджыд мамос
Оверина Мелания Алексеевнаос
югыда казьтыломон**

Мелания Алексеевна Оверина
Тайо ичотик нигасо дасьтөма
ыджыд мамос
Оверина Мелания Алексеевнаос
югыда казьтыломон

Ыджыд мамы ыстытөм письмө

Ыджыд мамой да менам олөмой... Ыджыд мамой, мелі нюмой, шонид паччөрөй, рыгья мойдой, пырыга йөлой...

Ичөтдырйи ёнасө меліасьны мекөд кадыс эз тырмыв тэнад, пыр удж вылө котөртан, менө на сьорсыд босьтлан, мед син улад вөлі... Рыгнас, водам да, удитан вөлі мойдыштны Исус Кростос йылысь, кутшөмкө Руй-руй йылысь либө шыр да катшаөс... Сійө кадыс дона, вунлытөм.

Велөдчигөн тшөкыда жө пышйивлі гортсянь тэ дорө. Некутшөм видөм оз кут, мед сөмын муса керкаын ыджыд мамкөд олыштны.

Локта висьтасьтөг, а быттьө менө и виччысьбөмыд, нюмъялан, вердны пуксьөдан.

Ыджыд мамой, быдтор йылысь тэкөд сёрнитам, мый вылө кө сералам өтлаын, мыйыськө дивитыштан, кыткө ошкыштан.

Ыджыд мам, тэ дорө сьөлөмөн кыссия, выдыштан кө, кужан тай виднысө, ошкыштан кө, ошкөмыд кык пөвста быттьө.

Локта бара видаыны тэнө, керкатө пелькөдышта, кильчөтө чышкышта. Меным окоата тэкөд мыйкө вөчны, көть мый: град вылысь ёг нетшкыны, мөдлапөлын мөс видзны, турун пуктыны, картофель керны...

Ыджыд мам, ыджыд сьөлөма мам, кувтөдзыд отсалін меным... өні на, гашкө, видзөдан кысянькө енэжсяньыс да зіян отсыштны.

Аттьө ставсьыс! Сьөлөм шонидсьыд, мывкыд сёрнисьыд, мелі нюмсьыд, быд сикас отсөгсьыд. Ыджыд мам... Öні ме вола жө тэ дінө, тэнад гу вылө... Ас кежын казьтыла став сійө югыд олөмсө, асьбым ичөтдырся кадсө, кор ме тэ дорын вөлі зэв шуда. Аттьө тэныд, медся мича, медся шань ыджыд мамой. Эн вунөд менө, вильыш быдтастө, мөдар югыдад.

Юрөс копырта, прөща кора став шогторьяссьыс, кутшөмьясөс аслам вежөртөм на олөмын вөчлі, и шогьяссьыс: лолісны тай аслам нем думайттөмла.

Ыджыд мам, ыджыд мам, ыджыд сьөлөма мам, менам мам...

Вежӱрын олысь серпасъяс

– Кагасӱ йӱлнас юкталӱй, – кодылкӱ шуӱ ыджыд мам, – мый сӱйӱ ваыд. Вердӱй пырыга йӱлӱн. Лунсӱ олад, ен ськӱдӱн...



...Лымъя градъяс вомӱн котӱрта, кыска гӱгрӱстӱм сюръяса сьӱкыд кӱрт дадь. Котӱрта иславны школа йӱрӱ. Сэни став челядыыс иславлӱны... Пышъя, пышъя, видзӱдла бӱрлань. Ме ичӱт на, да ӱтнамӱс оз лэдзны. Но ме зэв ӱна кӱсъя ачым, ӱтнам... Потшӱс костӱд вуджигӱн кодкӱ суӱдӱс, сералӱмӱн пуксьӱдӱс дадьдӱ да гортлань кыскис.



...Мир туй бокин сулалам куимӱн: кык Ваньӱ да ме. Тӱлыс зэв ӱсь, еджыд чышъянӱс пӱльтӱс, разис ыджыд мамӱн асъя кӱрталӱмсӱ. ӱни аслам оз артмы: тӱлыс дзугӱ, кийӱ оз кывзысь. Ваньӱяс лӱсьӱдӱны чышъянӱс менсьым, то ӱтиыс, то мӱдыс, но бара менам пельӱй вощӱ, юрӱй кынмӱ...

Локтӱ кысянькӱ Ольга ичинь (тадзи Модя шуӱ, но и ме сӱдзжӱ).

– Кытчӱ нӱ тайӱ челядьяпьяныс муӱнӱ татшӱм тӱланас? – пӱдыштанкодъ гӱлӱсӱн юалӱ.

А ми и асьным на ог тӱдӱй, кытчӱ, чышъянӱдам пӱ Аляӱс, тӱлыс разьӱма да...

Ольга ичинь лӱсьыда чышъянӱдӱс менӱ. ӱни позьӱ гуляйтны, пельӱй оз кынмы...

Мӱдӱдчим вадорлань: паракод пӱ кайӱ да, видзӱдлам.



Ыджыд мамкөд орччөн которта магазедорса гумла
вылө. Сэни вартоны сю, и ыджыд мам муно
бергөдлыны вартан машинасо, а ме ськөд.

- Маланья Олексеевнаыс талун кыкөн мунад? Кык
трудодней пуктасны...

Ме ог төд, мый сийө трудоднейыс, но, думайта,
буртор мыйкө лоө, тыдалө. Бурөн, ошкөмөн шуисны да.



Ар. Туйяс нийтөсь.

Удж бөрас ыджыд мамкөд петавлам рытйысьны.
Тайө рытнас муним Пөльө Надьө тьоткаясө. Сэтчө жө
локталісны ыджыд мамлөн да Надьө тьоткалөн
пөдругаясыс, тшөтш и Никандра гөтыр - миян
рөдняысь тьотка. Сьөрсьыс быдөн мыйкө
вайышталмабсь. Ыджыд мам пөжасис асывнас да өні
черинянь босьтис, а ещө самөкур турунвиж суляын.

Тайө рытнас ме первойысь аддзылі сьылысь лөз
ящик. Надьө тьоткалөн Веня пиыс восьтис ящиксө,
гөгрөс пызантор вылас пуктис сьөд сөчөн (пласьтинка
пө, шуис), ящикбокса чукая вугйөн бергөдыштис да
сьөд сөчөн вылас сувтөдіс ичөтик юр кодьөс,
югьялысьсөс. И пондіс кывны лөсьыд, гажа сьылөм.

Ставөн гажмисны, йөктыштавны кутісны.

- Йөкты, Аля, Надьө тьоткаыслөн талун именича!
Йөкты!

Ме ичөтик, ыджыд мамы, гашкө, муртса
коскөдзыс, тшөтш чеччала накөд.

Мудзыштисны, вай пө асьным сьылам. Некор на эг
кывлы, мед менам ыджыд мам тадзисө сьывліс:

Тэ, сорока-белабока,
научи меня летать,

невысока, недалёка,
толькө милава видать...

... Аттьө-пасибөасим Надьө тьөтлы, муналім
гортьясө. Аски пö бара удж вылө водза-водз.



Мöдлапöлын ыджыд мамкөд мөс видзам: öчередыс
пö миян. Лöсьыд, шоныд, муртса төла. Видзöдам,
öтарсяныс мед бадьяс оз пырны мөсьясыс, колхоз
зорөдö – мөдарсянь. Тайтöяс лöсьыда олöны, оз
пышгьявны, öвадыс оз ёна сөй. Найö куйлігкості
сөйыштны пуксим. Ыджыд мам босьтöма гостор, ас
пöжалөм рудзөг нянь, меным вылө йөв. Ыджыд мам
кружка йөв мыччис. А сэні озйыс! Кор удитöма
вотнысö?



- Маланья Öлексеевна, Педөр дядьыд талун
юыштöма да оз, тыдалö, вермы вуджөдчынысö. Вай
мезды, вуджөдчышт, асывнас вежам..

Вой. Зэрö-шливгö. Сыктыв вомөн карбасөн
вуджөдам Нювчимö кайысь кузола машина, йөзöс.
Ыджыд мамы отсасьöны вуджысьясыс, а бöрсö – öтнас
мырсö ыджыд мам да шырпи мында ме.



Бөрда, висьö пиньöй, юрпиньöй висьö, ёнтö. Войнас
садьми, ставөн садьмисны, жалитöны менö. Кодкö сола
ваөн тшөктö пожйыштны вомөс, кодкö пöськодь пöим
чышгьянö гартыштöма, банбокö пуктö...

– Паро тьоткаыслон эськө купорос эм да, сетыштас оз-а.

Муртса югдыштіс, и петі орчча керкаса Паро баблысь корны лекарство. Сетіс өд. Кутшөмкө дзебасысь перйис кувшин кодьос, мыйкө дыра бөрйис, сетіс ичөтик лөм кодьос, лөзов-турунвиж рөма изтор. Пукті висян пиньө – пөсьөдіс висяніныс, сотыштіс быдсө. Дулабөс ог ньылышт, эз тшөкты Паро тьоткаыс, кулан пө. Кувны ог на көсйы, локті горто сьоласигтырйи. Локтігкості пинь улын менам изторйыд сыліс, а дойыс вочасөн лөнис.



Мойд.

–...И тшөктіс лөк ичиньыс ведрасө өшмөссьыс судзөдны, көть кызди. Нылкаыд карнаннас и бөр муніс. Бөрдө, шогсьө, кызди нө пө ме судзөда... Кыськө друг дзор тошка дедө воча лои. Мый нө пө тэ бөрдан-шогсян, коді тэнө войнас вөтліс.

Нывкаыд и висьтасис. Дедөыд шуө: – Эн шогсьы, ме тэнө төлысь вылө босьта. И катөдіс сійөс төлысь вылө, карнаннас и быдсөн.

Видзөдлы төлысь вылас и аддзан карнана ныласө...

Ошиньөд буретш зэв лөсьыда тыдаліс югыд төлысьыс, и сы вылө видзөдігөн ме збыльысь понді аддзыны пельпом вылас карнана нывкасө.

– Сэтчө төлысь вылас ми вермам жө кайлыны? – аслам юалөмөн торки ыджыд мамлысь вугыртөмсө.

– Ичөт дырйи ме вөлі көсья жө, да эз тай некод босьт-а. А мый нө сэтчө каян? Сэні котралны он вермы, он ворс, йөлтө он ю... Му вылас олам, ичөт

нылай. Енмыс шулома: Быдöналы ассыс оломсö му
вылас коло овны...

Ыджыд мам узис нин, а ме, төлысьвывса нывкасö
видзöдигмос, казтылі ассым «лунся уджыасö».

Пес пыдди плеш

Меным нель, а Ваньöлы вит арös. Луннас гырысьяс
уджалöны, а ми асьным олам-ворсам.

Ваньököд грездысь кайим миян керкалань. Кильчö
бокас ыджыд айö пес видзанін вöчöма, мед арнас зэр
улö он сюр, а төвнас оз ков котравны лымйöдыс. Пес
чипассö, гырысь чагторьяссö, а торйөн нин ичотик
черсö, казялом бöрын зэв окота лои мыйкö буртор
вöчны – пес поткöдаыны. Сёрнитам Ваньököд, кызди
эськö öдйö да унджыкös поснöдаыны гырыся
поткöдлом пессö. Ме черыслөн кöзьяка да, дерт,
Ваньöлы первойөн ог сет. Ачым пондi колсийöдаыны
өртөн сувтöдөм пес плашкиö. Нинөм эз артмы.

– Ичöt черыс тайö да, гырысьджык чагсö поткöдла,
– кашкөмөн шуа ме. – Ноко, вай этайös видлам.

Ваньö сувтöдiс поткöдчан чурка бердö ёсь пома чаг.
Тыдалö, поткöдчигас тадзисö чуктыломä кодлөнкö.
Отчыдсö ме сöтышти, да менам черöй сибдiс чагыяс.
Ваньö перйис да выльысь сувтöдiс. Ме лэпти чертö,
өвтыштны мед ещö отчыд...

Мый сэтчö Ваньöыс матöсö сувтöма?

Чер йылөн Ваньöлы плешкас инмысьöма. Эг аслым
да ог и төд, кызди да ёна-ö доймис. А вируы-ыс! Повзим
ёна. Ме ёнджыка, дерт, лекторыс ме дорсянь лоис да.

Рузумторйөн кутiм чышкавны петысь вирсö. Лювгö
и лювгö. Ваньөлөн синваыс петыштіс жö, но эз лимзы.
Колльöдi ме сійös керка дордзыс, но пырнысö эг лысьт.

Ваньöлысь мамсö колö на тöдны: кыдзи пинялас, мед оз нöйт-а.

Гажтöма кайи гортлань. Пыри, кокöс улö сюркнялöмөн пукси енув пельöсö, öшиньö видзöда, виччыся Ваньö мамлысь локтöм, кыла нин быттьö сылысь гора чилöг гөлöссö.

Кодкö и збыль пырис нин посводзö. Ме пöсялі весиг, кöсий дзевсыны öдзöс воссигкості... А тайö ыджыд ай перевозысь кайöма, Öльöш другыс вежöма.

– Мый нö Ваньöыдлөн юрыс гартыштöма? Усис али мый? – адзис менö керкаысь да пыр жö и юалис ыджыдай. Мудеракодь видзöдлö ме вылö.

А ме ог на жö висьтась, мудерася жö.

– А кöні Ваньöыс?

– Кöні? Лэбулын тай мыйкö гöгралö-а.

Адзис Ваньö другöс ловьяөн, нюмьялысьөн. Вай пö сэсса ме поткөдчышта.

– Огöй талун, – шусис менам гөрд рузумөн көрталөм плеш вылас видзөдөмөн. – Ыджыд айö гортын да, видас ещö черсö босьтöмысь. Доймö плешкыд?

– Оз нин сэтшöма.

– Мамыд видчö?

– Менö ёнджыка. Но лок либö ветлаам Кашин Анна тьöt ордö, сэні ворсыштам.

Ваньöлысь плешсö поткөдөм бöрын дыркодь на эг лысьтлы пыравны на ордö.

Ыджыд мам на видіс, виин кö нö, шуö, Кань Ваньöсö, черыд öд нывкаяслы абу ворсантор.

Ваньö мыйлакö ачыс эз и скөрмы ме вылö: ичötөн на лыддис да сійөн, буракö.

А чер туйыс плешкас колис.

Еджыд паракод да чаня вöv

Тайö луннас ыджыд мам менö колис Галö Агни тьötкакöд. Сийö конюкалис да лунсьöмöссö гортас вöли. Ме дözми ворсны керкаас, муні Ваньöясö. А сийö абу, батыс нуödöма перевозö, пыжьясөн ноксыны, регыд пö бөр локтас. Кильчö вылас сулалігөн видзöді Сыктывлань. Көнi и перевозыс?

Ой, паракод кайö! Еджы-ыд, тшынөн пуркйö. Кыдз на тутöстіс дай Кырём весьтын! Ме уськөдчи вадорлань. Векныдик пода туйöд конюшня бокті петі магазеза дорö, вöла телега туйöд котөрөн вадорö, вадорö!

Мыйлакö туйсö потшöмаось вöv сийöс-завод видзан керка пельöссиянь да магазеза-кум пельöсöдзыс.

Кöсийи вуджны джуджыд потшöссö, а паракодыд сэк кості öтвесьтасис мекöд. Ог нин су матöджыксö видзöдны. Пукси потшöс вылас, колльöді, кыдзи паракод кайис водзö.

Друг син улö вövьяс веськалісны, магазеза водзас йирсисны. Чань на мамыс бөрся вötлысьö дай. Меным окота чаньсö малыштны, вötча сы бөрся, а сийö дзевсьö ыджыд вöv саяс. Ме гөгорта вöv-мамсö... Сэссия быттьö здук кежлö вошлі кытчökö... Паляла, чечча, пета вöv кынём улысь... Зэв ёна доймö бекйöй, бокйöй мыйлакö ва... Юрöй жувгö... Потшöс костöдыс муртса кысси-вуджи, лимзігырйи зэв ньöжйö понді кайны керös паныд ворья шор бокті, сэссия Семö Анна керкадорса векныдик бор туйöдыс веськыдалі.

Кыдзи и висьтасьны гортасаяслы, көні ме вöли? Гортö ог мун, да и некод на абу. Пыри Агни тьötкаясö. Улі судтаас налөн ас вöчөм пу диван сулаліс. Ыджыд мамкөд кор волім рытйысьны, век сийö диван вылас пуксьылім. И öні, пыри да, сэтчö пуксьышті. Шытöг ойöсті дойысла.

– Мыйкө тай бөрдөмүд? Мый нө лои? – юасьö Агни тьöt.

Сылы висьтаси бөрдөмсорөн, кьдзи ме ичöt чибöös конюшня дорсьыс видзöдi. Агни тьötка малыштiс юрöд, шуö:

– Эн бөрд, водыштлы, ьджьд мамыдгьяс абуöсь на, а ботiтö да шариваритö косьтыштам...

Йöлөн юкталiсны менö Агни тьötка Тамара нылыскöд, водтöдiсны диван вылас. Бекйöй доймö, тшöктö думайтны, кьдзи висьтасьны ьджьдмамы, мыйла ме дойми. Оз öд ошкы Агни тьötкаясысь мунöмсьыд. Шуа, быттьö Галö керка пельöсöдыс лэбув вылас кöсьи кайны. Ваньö первойөн кайис, а ме сы бөрся...

Садьми тöдса гөлöсысь:

– Аляыс тiянын на? Дьрджык талун лои да ...

Ывлаыс рöмыдкодь нин. Ыджьд мам со удж вывсьыс воöма и мела öдйöджык локтöма.

Чотигтырйи матыстчи ьджьд мам дорö, повзьöдi няйт чужöмөн, синваöс киөн чышкалiгөн няйтыс кольöма-косьмöма да.

– Чотан тай нö? Коктö дойдiн? – чышгьян помнас ниртiс чужöмöс да мелiа-нораа юасис ьджьд мамöй.

Юрөн довкнитi: да. И бөрддзи, вомöй вежыньтчис. Ыджьд мам көшöльöдiс менö, мир туй вомөн тадзи сэсья вайис гортöдз. Идрассöма нин вөлöм: Модя чожöй отсасьöма да öдйö и лоöма.

А öнi пөрччöдiс менö, мыссьыштны тшöктiс. Ноко пö, кьтi-мый нин бара дойдалин. Ыджьдмам менсьым дойöс аддзис да чуймис:

– Кьдзи нö вермин татшöмасö усьны?

Ме пөръявлi-висьтавлi. От тöд, эскис эз меным, а доймöминöс мавтышталис мыйöнкö, Модяöс лапкор нетшыштны ыстылис, сэсья меным ляскалис.

– Мыйла нö зонмаур моз керка пельöсöдыс каян, абу кö йöй. Ичöt на да, дерт, усян. Ваньöйд öд ёнджык,

Ыджыдджык да. Роза Алякөд чомйөн ворс, а тэ пес поткөдлан да керка пельөсө вожасян. О господи-енмөй!

Ыджыд мамысь кодкө и юасьөма аскинас, Аляыд пө али абу вөвъяс дорас төрыт котралөма. Сэсся висьталөма, кызди чужйөма-вөтлөма чань дорсьыс менө вөв-мамыс. Ошиньөд пө аддзи, көсийи котөртны мездыны, да кызкө өд вермөма и петнысө, бөрдигсорөн кайө пө нин вөлі гортланьыд.

- Кызди ещө юрад абу чужйөма ли тальчөма? Тэнө тай иган сайын лөө видзны...

Сы мында и оліс пөръясьөмөй.

А чужйөминыс дыр на висис, ывлаө эг петаваы, куйлі на весиг.

Татшөм мыжъяс бөрад ыджыд мам сэсся эз кут өтнамөс кольыны, босьтаіс аскөдыс либө ыджыдайкад перевозө ыстыліс. Лөк поводдя дырйи Кашин Анна тьот ордын гожөм кежлас восьтөм яслиө кольліс.

Ыджыд ай

- Лок, пуксям да чигарка гартыштам, куритчам, - быттө нюмъялө нисьө оз ыджыдай, корө менө пачбокса лабичө аскөдыс орччөн пуксыны.

Ме весиг дугді пырыга йөв панялөмысь. А мый, ыджыдай кө корө, позьө и пуксьывны орччөн.

Сетіс меным вундалөм газеттор, чепөльнас табактор көшельсьыс сэтчө сьякнитіс, сэсся босьтіс да чигаркаөдзыс ачыс нин гартыштіс, дуляліс-ляскис газет дорсө. Ме вомө суйөмөн видзөді-виччыси, кор сийө аслыс гартыштас да өзтыны пондас.

- Кыскышт, - шуө, - нённышт, тадзи и өзъяс.

Ассьыс өзтіс и мелань биа истөг тувсө матыстіс. Менам тшөтш өзйискодь гартыштөмторйыс, нённышті да, но тшыныс виччысьтөг сатшкысис горшө. Понді

кызодны. Өти киён чигаркасö кута, мөдөн вомос тупка. Буретш тайö здукнас колö и ыджыд мамлы пырны вöли идрасянинсьыс, мос юкталан ведраа.

– Тэ, Педөр, йöймин кө-а! Кагаыслы куритчан он жö сет. Эз на прамöя öтиторсьыс бурд, тэ бара мыйсьюрö выlö велöдан, синтö сэн читкыралан.

Ыджыд мам дыркодь на увгис-видчис. Ме ланьтi, чигаркаястö, дерт, шыбитi, паччөрö дзебси.

– Ме-ед, висяс кө, быдмас да оз понды мыйсьюрöсö вöчны. Оз кө нö видлы, кысь тöдас, позьö али оз.

Ыджыд айкөд эг нин сэсся некор чигаркатö куритлы, да и ачыс эз тшöкты, яд пö тайö, Аля, яд. Вай пö тэкöд "Верую во единого бога..." велöдчам сьывны. Кымыныськö öд босьтчылис менö велöдны молитваяссö лыддыны. Мыйлакö ме эг гөгөрво да эг и велав. А сийö вöли öти бöрся мөдос наизусьт шародас. Кызди юрас кутчысьö сэтшöм уна кывйыс?

Перевозщикалис сийö колхозын гожöмьяснас, вуджөдчис мөдлапöлö: пыжөн – йöзос, карбасөн – машинаяс, телегаа вöвьясöс; лунын и войын, кор ковмас йöзыслы. Татi вуджисны Нювчимö, Устьеö мунысьяс, турун пуктысьяс, вотчысьяс. Кань Öлексей другыскөд öчередөн и вуджөдчисны. Прөст каднас ыджыд ай чери кыйис, пыжъяссö дзоньталис-мавталис, пельсьяс вöчалис да мый да.

Ыджыд ай мян радейтлис юыштны суртö, винатö. Гажмыштас, сэсся казтылас, кызди война выlö велöма германечьяскөд воюйтны, а Лениныд пö сийö абу прамöй морт, а ачым пö ме – троцкис.

Öлөдасны йöзыс вöли: Педөр дядь, кутшöм нö тэ "троцкис", сöран жö мыйкö, тюрьмаö нуасны

– Ме ог пол! – гөрбыльтчыштöм мышсö веськөдас, водз чуньсö чургөдөмөн кинас öвтчыны пондас, – Менö лыйлыны пондылисны белöйясыд Паджга вичкодорын да сэки эг повзыла-а. Кык война пыр мунi и... Öнитö мый!

Оти гождомо мам вурома воли сылы горд дором. Бытто сэтшомыс и медьена коло волом, быд лун доромсо новлис. Песлаалыштасны да бара одйоджык и пасьталас. Ылсиань воли тыдало горд доромыс, да йозыс пыр и тодасны: то но по Педор дядьид да.

Порысьмытөдзыс Педор Петрович то вор породис, то тшупсылис, то кыйсылис. Кыйсян удачаыс волома, бурако. Вердалис яйнад.

Ыджид айос сиктас пыдди пуктылисны: керкато тшупиг-лэптигон, мед ладно воли ставыс, Педор дядьос чукостлисны.

А том дырйиыс ыджид айос гырысь стройбаяс лэптыны волом корлывалоны: кытчо мастерон, кытчо десятникон. Устьеын, Нювчимын, Кажымын стрөитчылөма. Ас семьяыслы кык судта керка войнаодзыс на сувтодлома.

Аслас челядлы быдонлы керкаяс тшупны-сувтодны отсалис на кувтодзыс.

А озырлуныс мыйлако абу жо чожсьома, коть ыджид мамкод нэм чожыс уджаломаось.

Дамка

Төв. Ог тод, вой али водз асыв. Пызан вылын дзузган би. Ыджид мамлон оз на тай ломтысь пачыс-а. Либө на вой. Ме садьми кутшомко никсомысь, сэсса кылис ыджид айлон голосыс. Водигон сийо эз на вөв гортын, вөрө кайома воли да:

– Кбингяс курччалисны банька дорын. Тшыгось да, поньяссыд оз полны, – шуалис ыджыдай.

– Велтты купайканас, кынмо да, тирало, – тайо ыджид мам шуис.

Коді кынмо? Кодос курччөмаось? Чеччи паськыд лабич вылысь, корся, код йылысь сёрнитоны ыджид ай да ыджид мам.

Рөмыдас синмөй адзис радейтана Дамка понйөс. Тулыс-гожөмсө өглаын котралім-ворсім, кор ыджыд ай кольіс сійөс гортө. Дамка ок и төлка! Лапасө сетас өтисө, сэсса мөдсө, ныр йылас нянь чиртө кутас, кытчөдз сөйны он тшөкты.

Мудзыштан да водан кө джоджө вольсыштөм важ туауп вылө, сійө мыштө нин шонтө...

А өні, коньор, никсышталө, куйлө ичөт пач бокын: көиньяс курччалөмаөсь вөрын. Ыджыд ай эськө петөма да лыйөма жө көин чукөрө ружьесыс, но сөрмөма нин. Көсйи пө асывсяныыс гортө петны, да петляяс на видлалі.

– Со и сөрмышті да войколалі. Асылөдзыс кө олас, справитчас, а оз кө ... мый сэсса керан.

Өна жө дойдалөмаөсь скөр көиньясыд! Пон куйліс бок вылас вөрзьевтөг, зэв өдийө лолаліс, сөмын синсө восьтышталіс. Ме малалі понйөс юрөдыс, чышкалі тюргысь синванас көтасьөм ныр бокьяссө. Ыджыд мам йөв кисьтыштіс тасьтіө, пуктіс Дамкалы ныр улас да көтөдыштіс поналысь вомсө. Пон эз вөрзьев.

Ланьтөмөн водім коді кытчө: ыджыд ай паччөрө кайис шонтыштны-веськөдны мышсө, менө аслам лабичын ыджыд мам шоныда шебрөдіс, ачыс пөлатьө кайис. Ме кывзыси Дамкалөн лов шыө, вөтөн моз адзи, кызди пон эралө-курччалө көинөс. Найө унаөнөсь...

Асывнас садьми өдзөс шыысь. Пырис ыджыд ай.

– Дамкаыд көні? Бурдіс?

– Быри Дамкаыд, Алюк, эз справитчы.

А кытчө нуис, гуаліс, эз и висьтав.

... Тулыснас посводзө өшлаөм көлуйысь мыйкө корси. Киөн кутшөмкө небыд гөнатор малышті. Тракниті. Кок улө усис пон кушенча гоз, куыс зэв төдса рөма: гөрдкодь, еджыд пасьяса. Дамка!

Ыджыд ай вурөма Дамкаысь кушенча! Исальшті пон куысь вурөм ыджыд кепысьсө, нирті гөннас

чужомос, малалі морос бердын, казетылі толка пемосос. Синвайи доршасьны кутліс.

Катоди кушенчасо мод судтао, пункті кровать выло, мися, вода узыны – орччон водтода. Мыйко дыра сидзи и узылі, а сэсса ыджыд мам идраліс гобочо, эна по косьмас куыс да чегьяяс. А шонид кушенчаыд товнад турун-песто кыскалігон зэв эна ковмас.

Но мед, кепысясясны да Дамкаос казетыштасны.

Телега

Гожся шондыс эна нин ерис ывлао петигон. Ыджыд мамо талун мено гортю кольома: Модялон по школаыс помасис, сыкод олыштан.

Модя аслас Пашо другыскод волины керка водзын. Торыт найо рытывбыд мыйко корсьысисны, ваялісны кутшомко неыджыд колесаяс, повторьяс, воньыд поноль бедьяс... Ме юалі, мыйла тайо колесаясыс. Модя шуис, телега по воча да тэно кыскавны кута. Ме унмовсытөдз юрын бергодлі, кыдзи мено кутасны телегаон новлодыны, нюмьявсис весиг быдон синмос куньомон... И они, кильчо вылысь лэччигон, пыр жо и гогорвои: вочоны телега! Дзык пыр унзильой бырис.

– Йолто юин? – юало Модя. – Мун сейышт, а ми сэк коста тайо укватсо кыскан бедь пыддыис пуктам.

Ме некутшом йов юны ог мун: медся коланаторсо, колөкө, ог и аддзыв сэсса.

Модялон ставсо водзвыв арталома, и они телегаыс сулалис нин колесаяс вылас, товся ыджыд дадь ыджда. А сидзсо ставыс вов телегалон кодь жо. Весиг шуйгавеськыдвыло кеждансо кужома вочнысо: воддза колесаясыс ичотджыкось борьяяссыс, мед бергодчигьясо найо эз зыртчыны. Пукаланинас

тувъялõма õткызта понõль бедьяс... Ой, некодлõн абу татшõм телегаыс: ни Тима Ваньõлõн, ни Роза Алялõн.

– Модя, дыр на тайõ вугйыс оз артмы?

– Час-слы, вõч-чам! – тувъясигмоз шуис.– Мун, ыджыд мамыд колис тэныд – сёйышт. А-а, то и другыд локтõ нин.

– Ваньõ, Модя меным телега вõчõ. Õчередõн кутам кыскавны. Тайõ укватыс и руль, и кысканыс.

Ме зэв õдийõ тарги телегалõн став бурторьяс йылысь, индалі, быттьõ Ваньõ нинõм оз гõгõрво. Ме чайта, Кань Ваньõлы завидькодъ вõлі: сылõн Модя кодъ чожыс абу, телегатõ сылы некод оз вõч.

Но мед, менõ кыскалыштас, сэссия ми сійõс Тима Ваньõкõд кыскалам. Ой, лõсьыд!

Телега артмытõдз ми Ваньõкõд Кашин Анна тьõt ордõ ветлім. Колõ õд и сылы тшõtш висьтавны вõлі! Сэссия Тима Ваньõõс на нуõдїм, талун сійõ гортас жõ да.

Ми пырджык õтлаын ворслам: кык Ваньõ да ме, – Мелкõй Педõр Анналõн Аляыс. Йõзыс “куим другõн” и шуõны.

Локтїм куимõн миян йõрõ, а сәні дась нин ставыс.

– Лок, Аля, видлам выль телегатõ. Пуксы ноко!

Гурõдїс-кыскис менõ Модя кырõм пос дорõдз, видлаліс асьыс вõчõмторсõ. Другьясõй вõtчисны-котõртїсны бõрся. Керõс нылыдсõ лõсьыда гõгыльтчис-таргис телегаыд, а бõрсõ катõдны лыаас сибдõ кõрт кõлесаыд, – сьõкыд. Ковмис подõн кайны. Но телега быдõнлы кажитчис. Рытõдзыс сэссия õта-мõднымõс кыскалім чорыдїнъястї (асфальт эз на вõв), лыаас эг пырõй.

Турун пуктан кадõдз кымын телега вõлі миян медводдза ворсанторйõн.

Кык Ваньõ меысь ар-мõдõн ыджыдджыкõсь вõліны, да мича поводдянас бать-мамныс босьтлывлїсны мõдлапõлõ турун бергõдыштны да мый да.

Тадзи օтчыд коли օтнам. Код нօ менօ новлօдлас?
Օшинь улын вօлі кырօм места, сэнի лыа вылас
пуртікасьлім бура.

И меным зэв окота лои вылісяньыс улօдзыс телегаօн
исковтны, кызди тօвнас даддօн. Пукси, воропсօ киօн
кута, мед оз зурась лэччигас, и йօткыштчи... Уна-օ кօ
чорыдінтіыс телегаыд гօгыльтчис, а сэсся джօмдіс, ме
кокъясօн мый вынысь йօткася. Эг и тօдлы, –
вежнясигад менам укват-рульыд օтарсяньыс мыніс.

Но тайօс ме пыдди эг пукты, йօткаси водзօ
лыаօдыс... Эз артмы да, вылысь кайօмօн йօткыштчи.
Важ туйօдыс быттօ лօсьыдакодъ лэччис, а сэсся друг
мыйкօ кратшмуніс водзвылас.

Тыдалօ, Модя абу думыштօма, мый ме лыати
иславны понда. Чегис пукаланінсьыс вомօна беддыс,
телегаօй вежыньтчис.

Кыски-йօткалі ме сійօс, коньօрօс, лэбулօ. Гашкօ,
Модя чождй бօр на вօчыштас. Օні сылы некор: турун
пуктан кад.

Но помасис и турун пуктօм, вотчыны ветлывлім
нин, картофель керны колօ... Эз и сюр кадыс менсьым
ворсанторйօс лօсьօдны, а арнас Модя чождй карօ
лэччис велօдчыны.

Ме первойсօ быд лун пыравлі лэбулօ, пукалыштлі
телегаօй вылын, а сэсся дугді, вунօді, буракօ.

Сօмын во куим-нօль мысти телегасօ ыджыд ай вօлі
дзоньталօма, куканьлы боръяссьыс турунтор
кыскалыштны, Падей му вылысь картофель мешօк
вайыштны лօсьօдօма. Век нин кокньыдджык мыш
вылад дорысь. Ме аддзи телегаօс ловйօн да радлі, зія
отсаси турунсօ ваявны. Тыртօгыс мунігօн пуксьылі на
регыдик кежлօ. Лօ-օсьыд телегаад гургыны! Ыджыд
айлысь мышкыртчօмсօ друг казялі, жаль лои да чеччи.
Ме օд ыджыд нин да и сьօкыдджык, школаօ мօд во нин
котралі да.

–Тима Ваньёйд висьмёма. Мамыскөд видз выло ветлёма да кутшөмкө лёк тусь сёйёма. Лок петалам, видзөдлам, – тэрыба сёрнитө Кань Ваньё.

Видзөдлём другнымөс: куйлө крөватяс, бабыс ва рузумөн едждём чужөмсө чышкалө.

–То вед, ош льөмыд, кутшөм сійө...– ывлааысь аддзис миянөс Кашин Анна тьотка...

Гажтёма колис и луныс, и рытыс. Асывнас петі орчча керкаө видлыны висьысь Ваньёөс, а сэні бөрдөны.

Ваньё абу бурдёма.

–Мөдарьюгыдас енмыс босьтис, – шуис ыджыд ай. – Төлка детина Тима Анналөн быдмө вөлі...

Менам вежай

Садьмөдіс менө өшиньё таркөдём. Мамө халатасигмозыс матыстчыліс өшинь дорө видзөдлыны, коді татшөм водзсө локтёма.

– Батьё локтёма. Мыйкө лоёма али мый? – унбөрся гөлөсөн шуалігмоз петіс восьтыны өдзөс.

Менам унмөй вошис жө: татшөм водзсө ыджыд ай, збыльысь, эз на волы да, дерт, мыйкө лоёма.

– Но, тесьтыс, мый нө та водзасө? – кызігтыр да курутчансө гартігтыр, юасьё менам бать.

– Югыдсө виччысьны ог вермы! Ольөксан локтіс! Войнас нин воис, подөн пө век карсяньыс локті. Оні узьё, а ме – тیانө. Аля, вежайыд локтіс! – нюмьяліс-радліс ыджыд ай.

Ме весиг тшөкмуні быттё: менам вежай!? Ме эськө и төдышта вөлі, мый эм менам вежай, кытчөкө зэв ыло, армияё, мунёма, и коть ыджыд мам, Модя чож тшөкыда гаралісны сійөс, өні ыджыд айлөн висьталөмыс меным

лои выльторйөн. Гашкө на, и вунөдлыссис, некор на эг аддзыв да. Армияс мунігөн меным вөлөма кык арөс. А өні – вит. Дерт, меным сійө төдтөм. Но меным зэв любө, сьөлөмөй чеччыштны кутіс: ловья вежайкөд талун төдмасы.

– Воис, воис армиясыд вежайыд, мунам вай, ыджыд мамыд виччысьө и, – шуис ыджыд ай.

– Ладнө инө, мед Аляыс либө өні тэкөд мунас, а ми рытнас удж бөрын локтам жө, идрасям да мый да, – өти кывйө воисны бать-мам.

А ме – шунысө ог куж – сэтшөма радлі. “Муна, дерт, вежайөс колө видзөдлыны!”

Арся няйт туйөдыд эг жө пырсө котөрт, но муні өдйөкодь, кыдзи вермылі сэки. Ыджыд ай бөрө тай коли-а, ме сөмын юрөс бергөдлөмөн видзөдла сы вылө, ылө-ө нин кольөма. Кык версттө бытгыө эг и казявлы. Со и муса керкай менам, град йөрөй, пес чипас лэбулөй, өдзөс вугйөй...

Ыджыд мамөй пөжасис. Мелі чужөмыс банйыштөма пач водзас гөгралігөн.

– Көні нө вежайыд, ыджыд мам? – юасы.

– Узьө на, мудзөма да. Видзөдлы, колөкө, кайлы выліад да, эн садьмөд-а.

Ыджыд мамлөн да ыджыд айлөн керкаыс кык судта. Татшөм кык судта керкаыс грезд кодяс миян да Галөяслөн, налөн туй саяс воча сулалө. Улысас, пыран өдзөссяныс веськыдвылас, паччөра пач, а шуйгаладорас – кык воськов кост – мөд судтаас каян поскыс, сизим тшупөда. Енув пельөсас, өшинь дорас, важиник клеенкаа пызан, өтар-мөдарсяныс – лабичьяс, веськыдладорас джуджыд сьөд шкап сулалө, сайөдыштө пачводз кылтсө. Шкапыслөн быд пельөс и быд пуктөмтор меным төдса: эг нин өтчыдысь видавлы сэні видзанторьяссө. Шкап саяс, кылатас, ас вөчөм джаджъяс, сунлабич. Сэні жө сулалө ва пельса, а

сунлабичас да джаджъясас ыджыд мамлөн кринчаяс, гырничъяс, чугунъяс да уна мукөд колантор. Пач водзяньныс поэь веськавны гөбөчө, сэтчө зэв кыз өдзөс ыджыд ай өшөдлөма, ичөт мортыды вынөн колө восьтыны. Улі судтаыс, дерт, медся оланаыс. Тани ыджыд мам пусьө-пөжасьө, ставсө вердө, скөтлы сёян лөсьөдө, йөв сысьялө, могөн и могтөг вольты-пыралысьяскөд варовитө, пөдругаяссө чайөн юктавалывлө. Ыджыд ай ассьыс уджъяссө тан жө вөчлывлө, а чигаркасө куритны паччөрө каян пос тшупөд вылө пуксьывлө. Модя чожлөн другъясыс воласны да тани жө ассьыныс сёрнисө сёрнитөны, дурласны на мукөд дырйиыс-а.

А менам радейтана пельөсөй – мөд судтаө каян поскыс. Сайсяньныс судзөдча вылынджык пос тшупөдас, ки вылын өшйөмөн выныштчөмөн лэптыся джоджсяньныс. Модя вөлі шулас: “Ноко, кымынысь нин верман лэптысьнытө?” Ме зияя, а сийө лыддьө: “Өти, кык, куим... Молодеч, Кань Ваньөтө өні дзик нин верман. Колө на өдйө котралны велөдчыны, мед некод оз су”.

Дерт, сэсся татшөм ошкөм бөрад ещө на окота ёнджыкөн лоны. Вот и ёнмөдча вөлі пос тшупөд вылын, а котравнытө тай оз ков велөдны, и сідз пыр кытчөкө котөрта...

Кынь-кынь кайи мөд судтаө. Мөд судтаыс миян ыджыд мамлөн югыд жыр, шойччанін, узыланін.

Матөджык крөватланьныс кок чунь йылын матыстчылі. Öні тани узис том дядьө – менам вежай. Төдтөм, но чужөмыс лөсьыд, мусакодъ весиг лоис.

Другысь радио ызөбтис “гимн” ворсны-сьывны. Менам узысь вежайыд көсийө садьмыны да оз вермы. Сёрөнтө лои водөма да, сьөкыд өні. Синмыс куньса, а юрсө лэптыштөмөн кутис сьывны: “М-м-м ... нерушимый... великая Русь!..”

Ме вомос кион тупки, серала-кикйыся гусьон...
Ыджыд мам гораа шопкөдө:

– Кусод, кусод!..

Кызкө тай судзодчи жө кусодны радиотө, мед оз торк асыя унсө менам вежайлысь.

... Ме мыйкө отсасышті ли вильшасышті ыджыд мамы, сэсса ветлі пөдругаяс дорө. А кор локті, Ольоксан вежайой чеччөма нин вөлі. Вөлисти и төдмасим. Важ бөрын выльысь. Зэв мича чышьян вежайой козьналіс. Армиясыс локтігөн ньобалөма коды мый. Мамлы “Заря” часі, ыджыд мамы – платтьө дөра. Меным вөлі зэв долыд. Менам өні лои Модя чож да Ольоксан вежай!

Мелкөй али Варыш?

– Ыджыд мам, ме вед Мелкөй жө?

Сійө нюмъевтыштө, шуө: – Мелкөй, дерт на.

– Тэнө колө Варыш Аляон шуны, батыд Варыш рөдысь, – шуө да кикйысьө Модя.

– Сөра-ан?!

Менам ичөт юрөй некыдз оз босьт тайө выльторсө.

Модя рытйысьнысө мунтөдз сералыштөмөн нимтіс менө Варыш нылөн. Ме водзсасы, ог көсйы лоны варышөн, синваой доршасыштіс нин.

– Но, пондін сэн кага дорас! – дивитіс ыджыд мам. – Прөзвищенас өні оз шуны, овсө шуоны. Мун, кытчө мөдін!

– Да вот! – горза ме. – Мелкөй ме лоа, да өд, ыджыд мам?

Май праздник кежлө мама шуис мыськавны керка пытшкөс: джодж-пөтөлөк, өшиньяс. Джодж-пөтөлөкыс керкаас краситтөм, колө ниртны-едждөдны дзимбырөн, майтөгөн. Отсасьны локтисны детдомса нывкаяс. Меным накөд гажа: коді шмонитө, коді съывны заводитлас. Ме ниртыштали жө лабичьяс, улөсьяс, мыгчалі коды ветьок, коды майтөг. Ветлөдла ньөжйөнник: чирей петөма пукаланінө, зэв ыджыда мылькъялөма-зэлаалөма, да сійөс пөжа. Дойыс кылө быд воськолын да ог лысьт ёнасө вөрны, видзчыся.

Мыйлакө лөнисны нывкаясыс. Сэтшөм окота лои найөс гажөдыштны, серамсө петкөдлыны. И пондi гораа пычкысьны, петкөдны ас пытшкысь серам: гха-гкха-гкха-а-а...

Пычкыси-пычкыси и збыль пондi серавны, дугдыны ог вермы. Ланьтыштла да бара. Сэк кості и мамы ва ковмөма. Куснясьөмөн сералигтыр ва пельсалань воськовтигөн көмтөм көкөй вильдіс, и ваксиг-сералигад мый вынысь шлопкыси майтөг быгья ва джоджас. Кызди тай сотыштiс! Синмын виж би өзйыліс.

– Ха-ха-ха-ха-а-а-а-ы-ы....!

Восьса вома, сувтса синма – ме вылын өні збыльысь сералисны.

– Но, кызди чирейыд олө-вылө? – юасьоны. Мам серамсорөн водтөдө менө лабичө, видзөдө менсьым дона чирейөс, чышкалө рузумторйөн.

– Вот и бур, вужнас и быдөн пычкөмыд. Важөн нин колөма тадзи пуксьывны.

Лөсьыд, кор чирейыс абу аслад.

Яла да Яи

Ичот чойкөд ворсам лыа вылын, бабө керка кильчöлы паныда.

Мунöны верстьö йöз, сёрнитöны, нюмъялöны öта-мöдыслы. Аддзöны миянöс, нюмъялигтыр жö шуöны:

-Тайö Яла!

-А тайö Яи!

Думайтöмла менам пельпомöй юрысь вылöджык лэптысис: кутшöм ми налы Яла да Яи?

Сийö луннас менам кокöй вундысис, а ичот чойлөн мазіөн чушкөм чуньыс выльысь доймис.

Редикуль

Тöдмаси кык роч нывкакөд. Кытыськө ылысь локтöмабсь бать-мамыскөд. Найöс овмөдісны патераö миянлы паныда керкаö. Мамыс пелькөдіс керкасö, пусис, а ми нывкаясыскөд ворсім. Налөн шемöсмöдана мича чачаыс: öти акань бөрдö, мöдыс ки пöлöдыс кутан да, воськовтö, крöвать налөн, тасьті-пань... А медся мичаөн вöлі лöз редикуль. Абу мамыслөн, а ворсан редикуль. Сэтшöма меным сийö кутіс ковны, но сэтшöма колö!

Ола и узя, думайта и вöтася редикуль йылысь.

Муні ме бара нывкаяскөд ворсны, редикульсö восьтальштны, мед пöдыштас-тшолкнитас югыд иганыс.

Восьса öдзöса сарайын чомным. Рочася выль пöдругаяскөд, кызкө-мыйкө гөгөрвоам öта-мöднымöс. Мамныс мыйлакö корис нывкаясöс пыравны керкаас. Найö регыдик кежлö котöртісны да чачаяссö эз босьтны. И редикульыс тани! Меным кодкө бытьö тшöктö босьтны сийöс да сарай öдзöс пыр чеччыштны,

котортны гортö. Ме тадзи и вöчи! Аслым быгтö зэв лöсьыд: менам редикуль. А кыськö юрö локтö: гусясин? гусясин! гусь-гусь-гусь...

Гусялöмтортö некодлы ог петкöдлы! Катöдi пöдвöлöкаö, дзеби пач труба сайö. Пукси лыа вылас, мөвпала: мама кö аддзас, пыр и гөгөрвоас, кыдзи татшöм чачаыс ме ордö веськалис. Бур оз ло. Сийöс дырсö виччысьны эз и ковмы.

Тэрыба кодкö посводзсянь кайис сарайö. Юрöс чургöдi, аддзи мамöс, а сийö – менö.

– Ноко, ошйысь, кутшöм мича сумка пö ваян вöли, – нюмъялыштö быгтö.

– Абу сумка – редикуль, – мөмъялыштöмөнкодъ шуа.

– Редикульнад уличатi ветлöдлöны, а тэ пöдвöлöкаö кайöмыд! – вочасөн чорзис гөлöсыс мамлөн. – Гусялiн да?

– Эг! Меным сетiсны ворсыштны.

– Сетiсны – эз сетны, а мед öнi жö вöли нуöмыд сэтчö, кытысь вайин!

Ме эськö рад нин бөр нуа, а мыйлакö пола. Гусявнысö эг пов, а бöрсö сетны пола.

Мунi кытшола туйöд, керка мышьястi. Матыстчи восьса сарай öдзöс дорас да шыбитi мича редикульсö сараяс.

Керка öшинь улас кылис нывкаяслөн чилзöм: кöзяиныс понпиöс петкöдöма да ворсöны. Аддзисны менö, гусясьысьтö, ланьтiсны, öтиыс плеш пырыс видзöдö.

– Сумка-то ваша траву упала. Я обратно сарай бросил, – рочала ме потшöс вомөн вуджигмоз. – Мне тоже новый портвель купили!

Мыйлакö курыд лои синлы, горшöй комокасис. Нинöм некод эз шу, а ме пывсян сайын шытöг бöрдi.

Ме лыддысы

Зэв ёна косья лыддыны нига. Бать велодіс да ёні ме быдлаысь тодса шыпасъяс корсяла.

...Тайё нига вылас Ёма-бабаёс рисуйтёма. Мама шуё, мойдъяс пё тані. Зіля куті лыддыны: д-дө-жу-дө-жыд ... Ог тай нё гөгөрво: мый нё сійё дө-жу-дө-жыдыс лоё. Рыгнас тодмалі: вөлөмкө, отлаын колё шуны – дж – и лоё «джу-джыд». Со вөлөм кыдзи!

...Муні библиотекаё нига босътны.

–Тэ нё лыддысьнысё кужан? Школаад он на ветлы да?

–Кужа, куим мойд нин лыдди.

Михаил Иванович юасъё менсьым овёс. Ме чөв ола, ог төд, кутшөм ов колё шуны.

–Ладнө, ыджыд мамыд да ыджыд айыд Оверинъяс, Оверинаён гижам.

–Мыйла колё гижнысё?

–Тайё карточкаас кута пасъявны, кутшөм нига босътан, кымынөс лыддян.

Михаил Иванович гижис, а ме лолалі библиотекаса аслыспөлөс сынөднас, кывзі гижан перёысысь лөняс чарскөмсө. Нинөм шуны – библиотекаын меным лөсьыд вөлі.

А нигасө Михаил Иванович сетіс меным зэв вөсныдикөс – Бишка. Ме горто вотөдз на лыдди сійёс: вильыш понпи йылысь.

Гортын кыкысь лыдди, серпасъяссө видзөдалі нюмъялөмөн. Меным окота лои пыр жө мөд нига босътны. Нуи тайёс библиотекаё бөр, вильёс кора.

–Зэв өдйө вайин да? Ноко, висътав, мый лыддин? – ныр пырыс моз юасис Михаил Иванович, ачыс нига тыра джаджлань чотігтыр воськовтіс. Ме эг на удит висътавны, мый гижөма вөлі «Бишкаё», библиотекарыд мөдөс нин мыччис...

Школаё пыригөн лөсьыда нин кужи лыддысьны.

Юридалысь

Ыджыд мамы ыстытӧм письмӧ.....	4
Вежӧрын олысь серпасъяс.....	5
Мойд.....	8
Пес пыдди плеш.....	9
Еджыд паракод да чаня вӧв.....	11
Ыджыд ай.....	13
Дамка.....	15
Телега.....	17
Ош льӧм.....	20
Менам вежай.....	20
Мелкӧй али Варыш?.....	23
Чирей.....	24
Яла да Яи.....	25
Редикуль.....	25
Ме лыддыся.....	27



Валентина Михайловна Грабежова (Кузьбожева).

Детство молочное...

На коми языке

Уч-изд.л. 1,5 Усл-печ.2,0. Тираж 100.

Бумага офсет. 60x84/16. Гарнитура Бук.

Отпечатано на участке оперативной полиграфии КРИРОиПК.

г. Сыктывкар, ул.Орджоникидзе,14.

МУЖАНИНОЙ МЕНАМІ -
МЬІЛА СЬЫЛАНКЫВ

РОДИНА МОЯ -
ЗАДУШЕВНАЯ ПЕСНЯ



